


مرکز توزیع:

باب عالی چاده سیده
(اتحاد تجارت)
کتابخانه سی ایله
(یکی توکیه)
مطبعه سی



اداره خانه سی:

باب عالی ده
(یکی توکیه)
مطبعه سی فوقنده کی
دائرة مخصوصه

علمی، ادبی، اجتماعی و شهری مجموعه در .

شرائط استرا:

صاحب، مدیر، محروی:

شرائط تحریر:

هر سنده نك برنجی وایکنجی آلتی آیلغندن اعتباراً آتونه قید اولونور.
سته لکی: اون ایکی نسخه اولوق اوزره پوسته اجریتله برابر
(۱۰۰)، آلتی آیلغی (۵۰) غروشدور. ممالک اجتنیه ایچین
۵۰ و ۳۰ غروش علاوه سی لازمدر.



ملتك نفعته خادم یازیلر مع التشر قبول ونشر اولونور. یازانك
شخصیتی دکل، یازانك مادیتی نظردفته آلتیر. کونده ویله جك آتار
اوقوناقلی مختصرجه یازیلش اولمالیدور. ککن یازیلردن شایان قبول
کورولنلر تاریخ صیراسله درج ایدیلیر.

محفل

مجموعه سنك كچن سنه لره عائد و پك چوق معلومات مفیده بی حاوی اولان نسخه لری منتظماً
دیگیلمش و اوزره لرینه قالین برر قاپاق كچیریلر ك مجلد كتاب حالته كتیریلشدر. خیرالانیس
اولاییله جك بونفیس كتابلردن برنجیسنك موجودی بیتمش، ۷-۱۲ نجی نسخه لری پراكنده
اولارق قالمشدر. بهر نسخه سی ۱۰ غروشدور. ۲، ۳، ۴ و ۵ نجی جلدلر ك بدلی پوسته اجریتله برابر یوزر غروشدور.
طوغرودن طوغرویه اداره خانه به داخلدن ۳۰۰ خارجدن ۳۵۰ غروش کونده ریلدیکی صورتده هر درت جلدی یوللانیرم

اسناد

ع

اوت « اسناد » ك اهميت قديمهسى اسلامده
تضاعف ايتمش ، دقايق علوم زمرد سنه كيرمش ،
(علم معرفت اسناد) ناميله فنون علم حديث
آراسنده برموقع مهم اشغال ايله مش و زمانم زده
اربابي اندر برفن معضل اولمشدر . بيكانه لري ايچون
اسناد ، بر (حدثنا .. حدثنا) دن عبارت ايسده
اربابي ايچون اويله دكلدر (حدثنا فلان قال حدثنا
فلان) ايله (حدثنا فلان سمع فلانا) ياخود
حدثنا فلان قال سمعت فلانا) آراسنده و (حدثنا
فلان قال سمعت فلانا يحدث عن فلان) آراسنده
و (حدثنا) يرنده (اخبرنا) ياخود (انبأنا)
بولنسنده و بوكي كلماتك صور ايراندنه پك اينجه
وشايان بحث و تدقيق فرقلر واردر . شخص واحدك
(حدثنا) ديهرك واقع اولان روايتي مقبول و معتبر
اولديني حالده (عن فلان) ديديكى روايتك قبولنده
تردد ايديلهرك تحقيق و تعميقه لزوم كوريلير . ايشته
بونلر اسنادك اينجه لكليدر . بونكله مشغول اولميان
علماي اسلاميه نك بيله قولايقله فرقنده اوله ميه جنى
بودقايق طبعي يابانچيلر هيچ بيله مز و آكلايه مازلر .
اسنادك نه اولديغنى بيلمك ايچون طول مدت
چاليشه رق و تدقيقاتده بولونه رق اختصاص كسب
ايتك لازمدر . اسنادك فائده سنى ادراك ايچون
تاريخ ، طبقات رجال ، انساب ، تداخل اقوام ،
مهاجرت ائم و مذاهب فرق اسلاميه يي بيلمك
ايجاب ايدر . ايشته بوكا بناء دركه محدثينك محققلى
بوعلملره دائر كتابلر يازمشلدر . بوعلملرك هپسنى
على وجه الكمال بر كيمسه نك بيلمه سى مستحيل
اولديغندن هر محدث ، محتاج اولديني بوعلملردن برنده ،
يا ايكي سنده اختصاص حاصل ايدهر ك ديكر لرنده
اهلنه مراجعت ايتك بيوكلكنى كوستر مشدر .

محدثيندن بعضيلرى تاريخ و طبقات رجالده ،
بعضيلرى جغرافيا و مهاجرتده ، برطاقى انساب
و تداخل اقوامده متخصص ايديلر . ابو محمد
رامهرمزي ، امام بخارى و مسلم ويحيى بن سعيد كى
هپسنى جامع اولان اكللرده يوق دكلدر . بواحتياجك
تاميني ايچون ائمه حديث تاريخلر ، معجم البلدانلر ،
كتاب الانسابلر ، طبقاتلر يازمشلدر . امام بخارينك
وامثالنك تاريخ ، ديكر لرينك طبقات رجال
يازمسى هپ بواحتياجى تطين ايچوندر .

اسناد : بر حديث ، ياخود خبر ويا اثر متنى
خبر و يرن كيمسه نك تحمل ايتديكى ، يعنى كندندن
استماع ايتديكى ذاتى ، كيفيت تحمل و استماعى و آنك
اسماعى كيفيتنى مشعر صيغه مخصوصه ايله ، كذلك
آراده كى واسطه لرده هر برى كندينك كيفيت تحمل
و استماعى بوجه معروض افاده ايدهر ك صيغه لرله
ادا و روايت ايدهر ك قائل و يا عاملنه اسناد ايمه سيدركه
بوكا اسناد و طريق خبر دينور .

بو تعريفمز ، بر تعريف علمى اولمقدن زياده
تعريف توضيحي دركه محل بحث بويله ايجاب ايدر .
بوندن صوكرده اسنادك آلتى يدى حالى واردر كه
بوراده ذكرى موجب تطويل اوله جفتدن ترك
اولمشدر .

اسناد ، تا پيغميره قدر ايريشن برطاقم اسامينك
جدولندن عبارت اولمق لازمكلىر . بوده ، پيغمبرك
سوزلرينك و حركتلرينك خاطره سنى شفاها باشقه
برينه نقل ايتك و بوخاطراتى روايت ايدن كيمسه لر ك
اسملىرى عقلمده طوتمق ديمكدر كه حضرت پيغمبرك
ارتحال ايتديكى زمان جارى و مرعى اولديغنى فرض
ايتك اساسى اوزرينه مستنددر . حالبوكه او وقت
بويله برشى يوقدى ! و همنه دوشه جك اولانلر ،
چوق آلدانيرلر و بو وهمه قاييلانلر ، اسنادك وقت
سعادته و حتى وقت صحابه ده مرعى و معتبر اولمديغنى

ادعا ایتک ایسترلر .

کتاب سته حدیث و مسانید عشره ودها قدیم اجزای حدیث، عمومی و خصوصی کتبخانه لریمزده موجوددر . بونلرک هیچ برنده انسانی بویله سقیم برفکره دوشوره جک تک براسنده تصادف ایدلر . بو کتابلری تدقیق ایدن مهره منقدین وائمه جرح و تعدیل و شراح کرامده بویله برشی دییه مه مشلردر . بعض اسانیدی اسباب عدیده بیانیه تنقید ایتدکری حالده هیچ برینی فلان مصنف ترتیب ایتیش دییه برحکمله جرح ایتمه مشلردر . بوبابده کتب (جرح و تعدیل) برشاهد عادلر . اگر (صحیح مسلم) ایله (صحیح بخاری) دقتله مطالعه اولونسه اسنادک اهمیتی نمایان اولور .

شیخ زاهر

بسم الله الرحمن الرحیم

علم خیال

خیال ایقانه مخالفدر . (بن ، بوکا بر درجهیه قدر ایناندم) دییه مزسکز ، سرابی اجسام طبیعیه عدادینه ادخال ایدمهیه جککز کی عنقاییه دفتر حیواناته قید ایتدیره مزسکز ، فقط (خیال ایمانه منافیدر) دیرلرسه اینانما . یوله دوشن برطاشی قالدیرمق بیلله حسن نیته مقارنت شرطیه ایماندن معدوددر .

بوراده وهمی خیالدن تفریق ایتمه لی یز .

معلومدرکه : بزده قوه طبیعیه یی غرضنده استخدام ایدن بر قوت وار . خیال دیدیکمز بوقوت ، محسوساته حکمی شامل اولاجق بر حق تصرف ادعاسنده بولونویور ، بونی ده بزه ایسترایسته مزقبول ایتدیریور ، بو صراده بز ، حقیقتده وجودی اولمایان شیلرک دنخی تحت تأثیر و تسلطنده قالیورز ، بونلرده وهمی ایدر . صور خیالییه یی صور وهمی دن تفریق مقتدر

خیاله (وهم) نامی ویره رک ایشک ایچندن چیقمق ایسته یورز . حال بوکه خیال ایله خولیا دیدیکمز ، حد ذاتنده باشقه باشقه شیلردر . (علم خیال) خیالی خولیا دن تفریق ایدن بر علم دیمکدر . بوبابده برفکر ایدینه بيلمک ایچین شیخ اکبرک ایضاحات آتیه سنه نصب نظر ایتکلکمز لازم کیر . (فتوحات مکیه) ده دییورکه : (صور خیالیه مزک جمله سی ممکنات محسوسه . دندر ، ممکنات محسوسه ده وقوعه کلن تغیرات حقه عائد اولدینی کی حضرت خیالک محسوساتده کی تصرفی ده تنوع خواطر صورتنده وقوعه کلن برتجلی الهی اثریدر .

حضرت خیال ، محسوسات ایله معانی مجرده آراسنده حائر تأثیر و تصرف اولان بر حضرت متوسطه در ، ممکنات محسوسه معانی مجردیه آنجق تخیل واسطه سیله کسب ارتباط ایدر .

معاینک قوالب محسوسه ده ظهورینه توسط ایدن قوه خیالیه که : عالم برزخ ، مجمع البحرین ، ملتقى البحرین دیدیکمز عالم مثالدر .

بو عالم معانی صفاتده کندینه مناسب اولان اجسامه تمثل ، حتی تجسد ایده جک بر عالم غیر عنصریدر)

حس ، عقل ناصل دوچار خطا اولویورسه ، معمل مخیلاتدن چیقان هر شیئک ده عینیه حقیقت اولماسی لازم کلز . الفاظ ایچین (علم نحو) فکر ایچین (علم منطق) نه ایسه : صور خیالیه ایچین ده (علم خیال) اودر . خیالک خطا احتمالندن سالم اوله بيلمه سی ، موازین معانییه رعایتله ممکن اولور . بو اعتباره کوره (علم خیال) حضرت خیالک عالم امره کیفیت اتصال و انفصالندن باحث بر علم تمثیل معانی در . اهل کشفک عالم غیبه عائد اولان استکشافاتی تمثیل معانی ده کوستره بیلدکری برفضل مکتسبدر . براهل کشفک کشفنه اعتماد اولونماسی ، علم اسمایه ،